

REGLUGERÐ FRAMKVÆMDASTJÓRNARINNAR (EB) nr. 1275/2007**2009/EES/71/32****frá 29. október 2007**

um breytingu á IX. viðauka við reglugerð Evrópuþingsins og ráðsins (EB) nr. 999/2001 um setningu reglna um forvarnir gegn, eftirlit með og útrýmingu tiltekinna tegunda smitandi heilahrönnunar (*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 999/2001 frá 22. maí 2001 um setningu reglna um forvarnir gegn, eftirlit með og útrýmingu tiltekinna tegunda smitandi heilahrönnunar ⁽¹⁾, einkum 23. gr.,

og að teknu tilliti til eftirfarandi:

- 1) Í reglugerð (EB) nr. 999/2001 eru settar reglur um forvarnir gegn, eftirlit með og útrýmingu tiltekinna smitandi heilahrönnunarsjúkdóma í dýrum. Hún gildir um framleiðslu dýra og afurða úr dýraríkinu og setningu þeirra á markað.
- 2) Í IX. viðauka við reglugerð (EB) nr. 999/2001 er mælt fyrir um reglur varðandi innflutning inn í Bandalagið á lifandi dýrum, fósturvísunum, eggjum og afurðum úr dýraríkinu. Fjarlægging sérstaks áhættuefnis úr afurðum sem eru ætlaðar í matvæli og fóður er mikilvægasta ráðstöfunin að því er varðar lýðheilsuvernd.
- 3) Í 5. gr. reglugerðar (EB) nr. 999/2007 er kveðið á um að staða aðildarríkja eða þriðju landa eða svæða innan þeirra með tilliti til kúariðu skuli ákvörðuð með því að flokka þau í einn af þremur flokkum: áhætta í tengslum við kúariðu er óveruleg, áhætta í tengslum við kúariðu er haldið í skefjum og áhætta í tengslum við kúariðu er óskilgreind. Í þeirri grein er einnig kveðið á um að eftir að Alþjóðadýraheilbrigðisstofnunin (OIE) hefur ákveðið aðferð við röðun landa í flokka skuli endurmeta niðurröðun Bandalagsins á röðun landa í flokka.
- 4) Þar til ákvörðun um stöðu aðildarríkjanna og þriðju landa með tilliti til kúariðu hefur verið samþykkt er í

reglugerð (EB) nr. 999/2001 kveðið á um bráðabirgðaráðstafanir sem beita skal á tímabili sem lýkur 1. júlí 2007. Samkvæmt bráðabirgðaráðstöfunum að því er varðar kúariðu ná takmarkanir á innflutningi inn í Bandalagið frá þriðju löndum, þar sem hætta er á kúariðu, yfir kjötafurðir eins og þær eru skilgreindar í tilskipun ráðsins 77/99/EBE ⁽²⁾, þ.m.t. meðhöndlaðar garnir (dýragarnir). Að auki var innleiddur möguleiki á þríhliða viðskiptum þar sem þriðju lönd, þar sem hætta er á kúariðu, geta flutt út meðhöndlaðar garnir sem koma frá löndum þar sem kúariða er talin mjög ólíkleg.

- 5) Hinn 25. júní 2007 var reglugerð (EB) nr. 999/2001 breytt með reglugerð framkvæmdastjórnarinnar (EB) nr. 722/2007 ⁽³⁾. Með reglugerð (EB) nr. 999/2001, eins og henni er breytt með þessum hætti, var innleitt flokkunarkerfi Bandalagsins á löndum eftir áhættu í tengslum við kúariðu í samræmi við kerfi Alþjóðadýraheilbrigðisstofnunarinnar. Í því felst ekki einungis flokkun á öllum löndum í þrjá flokka: áhætta í tengslum við kúariðu er óveruleg, áhætta í tengslum við kúariðu er haldið í skefjum og áhætta í tengslum við kúariðu er óskilgreind, heldur voru einnig innleiddar viðskiptareglur samkvæmt hverjum áhættuflokki.
- 6) Innflutningsreglur, sem varða nýja flokkunarkerfið, vísa til kjötafurða eins og þær eru skilgreindar í reglugerð Evrópuþingsins og ráðsins (EB) nr. 853/2004 frá 29. apríl 2004 um sérstakar reglur um hollustuhætti sem varða matvæli úr dýraríkinu ⁽⁴⁾ sem undanskilur meðhöndlaðar garnir. Í samræmi við þau skilyrði, sem giltu fyrir 1. júlí 2007, og til að tryggja sams konar vernd fyrir neytendur skal bæta meðhöndluðum görnum á skrá yfir afurðir sem falla undir innflutningsreglur í tengslum við smitandi heilahrönnun í reglugerð (EB) nr. 999/2001. Því ber að breyta IX. viðauka þeirrar reglugerðar til samræmis við það.
- 7) Engin innflutningsskilyrði vegna smitandi heilahrönnunar gilda um þriðju lönd þar sem áhætta í tengslum við kúariðu er óveruleg. Nauðsynlegt er að skýra innflutningsskilyrði þegar um er að ræða meðhöndlaðar garnir frá landi eða svæði þar sem áhætta í tengslum við kúariðu er óveruleg og sem eru meðhöndlaðar í þriðja landi sem hefur aðra stöðu að því er varðar áhættu í tengslum við kúariðu. Til samræmingar skal endurinnleiða möguleikann á þríhliða viðskiptum samkvæmt nýju ákvæðunum.

(*) Þessi EB-gerð birtist í Stjtuð. ESB L 284, 30.10.2007, bls. 8. Hennar var getið í ákvörðun sameiginlegu EES-nefndarinnar nr. 95/2008 frá 26. september 2008 um breytingu á I. viðauka (Heilbrigði dýra og plantna) við EES-samninginn, sjá EES-viðbætur við Stjórnartíðindi Evrópusambandsins nr. 70, 20.11.2008, p. 1.

⁽¹⁾ Stjtuð. EB L 147, 31.5.2001, bls. 1. Reglugerðinni var síðast breytt með reglugerð framkvæmdastjórnarinnar (EB) nr. 727/2007 (Stjtuð. ESB L 165, 27.6.2007, bls. 8).

⁽²⁾ Stjtuð. EB L 26, 31.1.1977, bls. 85. Tilskipuninni var síðast breytt með reglugerð (EB) nr. 807/2003 (Stjtuð. ESB L 122, 16.5.2003, bls. 36).

⁽³⁾ Stjtuð. ESB L 164, 26.6.2007, bls. 7.

⁽⁴⁾ Stjtuð. ESB L 139, 30.4.2004, bls. 55, leiðrétt í Stjtuð. ESB L 226, 25.6.2004, bls. 22. Reglugerðinni var síðast breytt með reglugerð ráðsins (EB) nr. 1791/2006 (Stjtuð. ESB L 363, 20.12.2006, bls. 1).

- 8) Því ber að breyta reglugerð (EB) nr. 999/2001 til samræms við það.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Ákvæðum IX. viðauka við reglugerð (EB) nr. 999/2001 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 29. október 2007.

Fyrir hönd framkvæmdastjórnarinnar,

Markos KYPRIANOU

framkvæmdastjóri.

VIDAUKI

Kafla C í IX. viðauka við reglugerð (EB) nr. 999/2001 er breytt sem hér segir:

a) Eftirfarandi komi í stað þáttar A:

„ÞÁTTUR A

Afurðir

Eftirfarandi afurðir úr nautgripum, sauðfé og geitum, eins og þær eru skilgreindar í reglugerð Evrópuþingsins og ráðsins (EB) nr. 853/2004 (*), skulu falla undir þau skilyrði sem mælt er fyrir um í þætti B, C og D eftir því hvaða áhættuflokk upprunalandið fellur undir í tengslum við kúariðu:

- n ýtt kjöt,
- hakka ð kjöt og unnar kjötvörur,
- kjötafur ðir,
- me ðhöndlaðar garnir,
- brædd dýrafita,
- hamsar og
- gelatín.

(*) Stjti ð. ESB L 139, 30.4.2004, bls. 55, leiðrétt í Stjtið. ESB L 226, 25.6.2004, bls. 22.“

b) Í þætti C bætist eftirfarandi 5. liður við:

„5. Ef um er að ræða garnir, sem koma upprunalega frá landi e ða svæði þar sem áhætta í tengslum við kúariðu er óveruleg, skal innflutningur á meðhöndluðum görnnum háður framvísun dýraheilbrigðisvottorðs þar sem vottað er:

- a) a ð landið eða svæðið er flokkað, í samræmi við 2. mgr. 5. gr., sem land eða svæði þar sem áhætta í tengslum við kúariðu er haldið í skefjum,
- b) a ð dýrin, sem nautgripa-, svína- og sau ðfjárafurðirnar eru fengnar úr, voru fædd og sí ðan alin frá bur ði og sláttrað í landi þar sem áhætta í tengslum við kúariðu er óveruleg og stóðust skoðun fyrir og eftir slátrun,
- c) ef garnirnar koma frá landi eða svæði þar sem tilvik innlendrar kúariðu hafa komið upp:
 - i. a ð dýrin voru fædd eftir þann dag sem bann um fó ðrun á kjöt- og beinamjöli og hömsum úr jörturd ýrum kom til framkvæmda eða
 - ii. a ð afurðir úr nautgripum, sau ðfé og geitum innihalda ekki og eru ekki framleiddar úr sérstöku áhættuefni eins og það er skilgreint í V. viðauka.“

c) Í þætti D bætist eftirfarandi 5. liður við:

„5. Ef um er að ræða garnir, sem koma upprunalega frá landi e ða svæði þar sem áhætta í tengslum við kúariðu er óveruleg, skal innflutningur á meðhöndluðum görnnum háður framvísun dýraheilbrigðisvottorðs þar sem vottað er:

- a) a ð landið eða svæðið er flokkað, í samræmi við 2. mgr. 5. gr., sem land eða svæði þar sem áhætta í tengslum við kúariðu er óskilgreind,
- b) a ð dýrin, sem nautgripa-, svína- og sau ðfjárafurðirnar eru fengnar úr, voru fædd og sí ðan alin frá bur ði og sláttrað í landi þar sem áhætta í tengslum við kúariðu er óveruleg og stóðust skoðun fyrir og eftir slátrun,
- c) ef garnirnar koma frá landi eða svæði þar sem tilvik innlendrar kúariðu hafa komið upp:
 - i. a ð dýrin voru fædd eftir þann dag sem bann um fó ðrun á kjöt- og beinamjöli og hömsum úr jörturd ýrum kom til framkvæmda eða
 - ii. a ð afurðir úr nautgripum, sau ðfé eða geitum innihalda ekki og eru ekki framleiddar úr sérstöku áhættuefni eins og það er skilgreint í V. viðauka.“